

續  
栝  
蒼  
金  
石  
志

續枯蒼金石志目錄

卷一 梁 唐 宋

祝延聖壽塔軼 梁

南陽開國銅印 唐

胡府君墓誌篆蓋 唐

獅峯軼款 宋嘉祐八年

吳子通墓誌銘 宋熙寧七年

大慶寺銅鐘款識 宋紹興四年

鄭國公何德揚神道碑 宋酒熙六年

蔡莘老墳記 宋嘉泰二年

卷二 宋

國學蕃仲納壙記 嘉定五年

麗陽祖殿鐵香爐款識 嘉定七年

麗陽祖殿鐵鐘款 嘉定十四年

普光寺鐵鐘款 嘉定十七年

柳惠叔壙誌 紹定四年

延昌寺遵公捨田碑 端平元年

松陽縣進士題名碑 紹祐八年

西山悟空寺捨田記 寶祐三年

延昌寺祖紹捨田碑 寶祐六年

小赤壁黃公度題崖

何運管墓道碑

卷三 元

南明山鐵香爐欵識 皇慶元年

高溪崇道觀碑 泰定

白雲山萬佛良緣碑 至順元年

圓明普覺大師捨田記 至順癸酉卽元統元年

松陽縣學復泮地記 至元二年

卷四 元

龍泉湯氏義田碑 至正元年碑陰至元三年

石屋老人墓誌銘 至元四年

思孝菴田租碑

鄭似山墳誌 至正二年

孝友祝公墓碑

樞密判官耿公祠堂碑 吳龍鳳九年實元至正二十三年

泗國公祠請賜舊教場墾地碑 吳元年實元至正二十七年

續枯蒼金石志卷一

嘉興李遇孫金瀾輯 海昌鄒柏森殷甫校補

麗水王尙廣雲舫參 麗水王宗訓式之同校

梁

祝延聖壽塔磚款

塔在松陽縣學東  
隸書徑二寸五分

祝延

聖壽

昔梁武帝捨身崇佛天下聞風波靡貝宮雁塔所  
在多有今松陽縣治爲古紫荆村有四浮屠岬立

補望其文曰祝延聖壽隸法可愛按松陽寺字每  
多梁建故金闕師定以爲六朝所遺也

雲笈

右祝延聖壽磚塔在松陽城中塔凡四各九層高  
約五丈許合兩磚作祝延聖壽四隸書隸法秀逸  
非唐以後人所能髣髴余斷爲梁武帝大興佛法  
之時民人建以祝君上者必先有此塔後有此城  
蓋松陽舊治離今治二十餘里唐貞元中始遷斯  
土故塔有當立街衢者殆遷縣治時不復移去耳  
松陽志失載殊爲疎略余以隸法及地勢按之知  
爲六朝所遺也

謹按祝延聖壽之見於史者如明宣宗時有僧  
自陳欲化緣修寺祝延聖壽帝曰古之人君皆  
享國綿遠秦皇漢武求神仙梁武宋徽宗崇僧  
道效驗可見矣世人終不悟甚可歎也碑文有  
此四字猶唐宋碑識鐘欵間有題皇帝萬歲臣  
佐千秋並皇帝萬歲太后齊年此皆民人釋氏  
頌揚時君之語松陽縣治唐貞元中已遷今地  
是塔決非後建何則民雖愛戴君王巷祝衢謠  
斷無有矗立當街致礙道路原本定爲梁武帝  
大興佛法時民人建祝君上攷梁武以吳下故



宮建靈巖寺捨身同泰寺脩長干寺阿育王塔  
建七層十二層浮圖崇尙釋教爲自古人君所  
未有於是天下聞風事佛多造塔廟競祝聖壽  
本此以斷具見考據精詳至磚文類多吉祥稱  
頌語東漢有萬歲富貴蜀漢有傳世富貴他如  
旣壽考作長樂等磚無非頌德祝君是磚雖無  
年月紀元斷爲蕭梁故物識見明確可補志乘  
之遺

殷甫

唐

南陽開國銅印

道光癸巳冬孟春原

居仁

贈余古銅印拓本一日

南陽開國一日道經師寶春原謂此印唐葉法善  
所遺其苗裔有徙居玉巖者今印爲玉巖葉雨霖  
家藏按上印九折篆朱文結構縝密深得古符璽  
法下印亦朱文有不正九折者於篆法殊不合非  
法善故物也故僅摹其一然曰南陽開國史無明

文終未釋然耳 雲舫

按葉法善雖枯蒼人其自署稱南陽郡人從族望也投鴻臚寺卿封越國公故印文有南陽開國之稱其乞貶封父表有念臣身無橫草之功虛受茅苴之錫九卿之任下被江海五等之爵上應星躔等句則此印自是法善無疑

胡府君墓誌銘篆蓋

石方二尺篆字三行  
行三字每字長三寸

唐 肅 州

胡 府 口

墓誌

釋文

唐處州

胡府

墓誌

右胡府君墓誌篆蓋在城東二里梅墩莊嘉慶間  
土人浚池得於池岸屠蕪渚溫一齋二學博各拓  
一紙嗣後銘石不知落於何處道光甲午余訪之  
莊民僅得蓋石於封氏竈下篆法細瘦惜剝落不  
完

雲舫

枯蒼唐碑絕少此旣唐石且篆法細筋入骨甚可  
寶貴惜志石無存蕤渚一齋所拓亦不可得不知  
數十百年後尙能爲龍劍之合否耶

宋

### 獅峯碑欸

碑已泐僅存尾段刻四字楷書  
徑一寸四分在雲和縣獅峯

嘉祐八年

右獅峯碑殘泐僅存其尾面刻嘉祐八年四字楷  
書陰文此或墓塚遺甃抑或浮屠之銘俱未可知

雲和

按是欸爲雲和司諭葉去病所贈獅峯在雲和縣東三里劉文成晚同方舟上人登獅子巖詩疑卽其地山巔有普仁寺道光甲午葉茂才葺而新之發池得此碑雲和新志謂山有劉詩石刻者妄耳吳子通墓誌銘

碑高四尺五寸廣二尺三寸文與前後題欸共二十一行行三十字正書徑七分篆額八字長二寸七分

宋故吳處士墓誌

弟將仕郎試秘書省校書郎守建州建安縣主簿權關隸縣事 桓書

堂弟新授將仕郎試秘書省校書郎守越州蕭山

縣尉 卑撰

吳居士諱浹字子通處州龍泉人也少嘗爲學以家責

不暇進取爲人和易樂推人善罕與物較撫養諸弟最

隆於友愛父母沒喪事旣終而不忍析業相與聚居迄

今十年三弟悌順執事長之禮比於事父而昆弟之和

尤爲識者稱道故雖生事日滋而居士於家事一無所

預包容幼稚勸率閭內其外推所餘以賑貧乏又其外

則與宗族閭里相從宴樂談善事而已議者以謂莫非

有命父子兄弟之間雖堯舜周公不得保其皆善方其

家勢浸隆則昆弟相與同其志力得非天意雖然以居士觀之則又在人而已此古人有不謂命者在是歟竊嘗謂以善人行善事於三代之時皆以爲常有而不復見於文字以傳於後世者及乎世衰道微而彼善於此者得書於春秋蓋物或以多而見遺亦或以少而取貴夫以衰世之小善又安足以較三代善人之所爲特以時所宜錄故雖聖人有不能棄者則善惡輕重雖古今天公不易之理至是亦不可以定論求也如居士所爲不惟今所罕有抑亦非小善矣其可以無傳乎以熙寧五年十二月十二日卒享年五十一以熙寧七年十月



葬於所居松源鄉之望際源祖崇煦以伯父改殿中丞  
贈大理評事考毅三娶妣季氏朱氏管氏妻季氏繼室  
紀氏四男曰彥襄彥明彥弼彥著習學矣四女長適建  
安進士徐師孟次適永嘉進士朱正封次適同邑進士  
鮑康濟次尙幼銘曰

友愛孚于家 所積惟臧 乃刊斯銘

寬厚聞于鄉 厥後其昌 於焉永藏

總 三十五世祖子通公墓誌銘昔在慶元縣大濟  
甫田橋側潘家山元至正中爲山寇燬掠村邑此  
碑遂遭摧折然石雖泐爲一僅脫去十字今考家

乘補錄於旁先人以祖墓幽僻恐碑終致埋滅乃  
移豎於公之祖廟大理公祠內蓋七百四十餘載  
物矣碑稱浹公龍泉人葬所居松源鄉之望濟源  
者攷宋[圖]宗慶元三年以龍泉東平鄉析置慶元  
縣故今爲慶元地也文係堂弟昇公撰弟桓公書  
桓公登熙[圖]三年進士宰長興民歌曰召父杜母  
知何在今日復見長興宰卒於官民皆巷哭楊龜  
山先生有傳卑公登熙[圖]六年進士後教授潭州  
學士翁彥深知其名不事干求嘗作書以大義責  
時相范公邑乘並班班可攷彥明公復改名庸登

熙甯八年進士賜名伯舉官至龍圖閣學士贈少  
師耿亮博雅爲中外表望仕績備詳郡邑志乘不  
署官爵者以碑立於熙甯七年而彥明公未第也  
道光甲午夏李金瀾先生輯括蒼金石志成以慶  
元獨無碑刻爲歉德謹以拓本請春泉師郵乞續  
刻不惟松源之吉光亦德先人之潛德幸藉是以  
彰也 吳德

嘗觀志乘慶元吳氏甲第蟬聯子姓螽斯衍自宋及  
明代有顯者今閱吳子通墓銘知其友愛和易表  
率內外睦嫻任恤錫類鄉閭可謂宜兄弟而後可

以教國人矣其伯大理評事乃宋天聖甲子進士  
吳穀也其弟吳穀亦景祐甲戌進士前跋謂吳卑  
登熙寧六年進士志乘不載殆據家譜而言也又  
吳庸熙寧丙辰進士按丙辰乃熙寧九年非八年  
也又其壻同邑進士鮑康濟枯蒼彙紀與郡志俱  
軼其名因并記之以備參攷

雲舫

余輯枯蒼金石志獨慶元一邑無碎金斷石可取  
者殊爲恨事今呂君

榮華

以宋故吳居士子通墓

誌銘見寄出其裔孫

澍

所呈頓慰夙願卽爲補入

大慶寺銅鐘款識

鐘高六尺圍一丈三尺上下  
共八區在雲和縣東門外

法輪常轉 天下太平 皇帝萬歲 重臣千秋

檀越

梅端葉質梅曰梅忠厚弟圖南梅贊項容趙文浩

趙杲王孫四徐俊梅氏三娘 已上各捨錢三貫足

梅訓梅燮柳遵柳暉梅綬趙文澤王秉文王烈李實

季霖王涇王品吳沛吳彥先趙四娘

已上各捨錢兩貫

住禪覺比丘 覺仁道 保各捨一貫足

檀越

梅良遂陳廷立梅珍王宏梅詵梅詔梅迪梅瑛王慮  
王秉哲王大年徐仲陳彥陳俊劉僅梅彥隆王通柳  
滂柳安王增勝王氏三娘徐氏五娘梅氏八娘劉氏  
六娘 已上各捨錢一貫足

梅行王大娘梅公歡梅公雅李熟梅公辯梅仁祐梅  
師壽王行各捨一貫足 王三娘捨三貫足

檀越

梅茵梅寔梅秀梅作哲梅敦仁

已上各捨錢一十貫足

梅洞捨錢二十貫足

檀越王運妻劉氏五娘捨錢三十貫省

柳伯招捨錢一十貫省 柳沔柳濤捨錢五貫足

陳初陳闢湯氏七娘沈氏五娘吳氏大娘

已上各捨五貫省

募緣勾當街坊法超

知藏 道昕 維那 大辯 副院 法韶

監院 子邦

同勸緣檀越 陳闢

都勸緣住持傳法賜紫 希勝

大宋紹興四年甲寅十二月十六日鑄

鐘匠婺州華懷弟宗斧手樓收

鸛鵲檀越

王齊賢拾五貫足王梓吳三娘各捨二貫足陳惟絮  
季何生劉大娘葉大娘吳勛葉三娘葉法通吳大娘  
龔三舍葉旺方葉雙葉口董余同吳順周光客周義  
南周民欽包來柳三娘王安包膽葉口柳口陳口弟  
烏柳高魏林葉四娘周鄭生朱專吳德葉十娘毛文  
李媵葉已宥劉局吳賤季口潘老祭嫩韋大諄管師  
韋發韋保安林仲禧龔大娘林求益馬十娘僧靈  
志李毛容李住柳五娘吳孝謝十七娘季九娘黃五



娘吳胡珌梅可詵陳李柳四娘王連梅謝行王來楊  
仲勛 已上各捨一貫足

七尺梅坊界頭檀越

李華蓋王琳湯大娘湯二娘湯三娘梅九娘吳一娘  
王六娘梅朝案柳五娘王四娘鄭五娘湯參湯多柳  
七娘湯秤劉三娘劉四娘王運 已上各捨一貫

桑溪檀越

陳子堅鄭尙楊潘周大娘孫一娘

已上各捨一貫足

君溪檀越

葉邦趙一娘陳七娘各捨一貫足

龍泉縣檀越

吳曾吳望各捨二貫足

青田沐溪檀越

潘宗濟林伯肱妻毛五娘周環周仲堅陳仲榮黃三娘葉仲周葉榮凱林盈林豆林珣張仲尹張仲謙張仲瑜何交梅二娘蘇四娘羅十二娘陳仲堅陳圭陳朝陳回徐仲文葉容梅伯周梅興王十八娘包紹張大娘徐珣 已上各捨一貫足

湯宗晟梅開各捨三貫足僧景倫捨三貫足鄭氏三

娘拾二貫足

大慶寺在雲和縣迎恩門唐宣宗大中二年建鐘  
爲宋高宗紹興四年寺僧希勝鑄上列鉦間有太  
平錢二枚一橫一倒別無記述惟列二百八人姓  
氏拾錢三百八十餘貫而已

雲舫

此鐘款亦爲雲和司諭葉去病手拓以贈標辭有  
天下太平四字鉦間嵌太平通寶二錢故俗稱爲  
太平鐘云

鄭國公何德揚神道殘碑

碑已缺泐  
不計高廣

□□□□□□□□平令事贈太師鄭國□公神道碑

中大夫提舉隆興府玉隆萬壽宮歸

安下缺

敷文閣學士通議大夫提舉隆興府

玉隆萬壽宮下缺篆蓋

缺規恢復讎志方銳用事者憚虜虛聲撒海泗唐鄧戊

遂啟戎心是冬虜復大入寇缺下甸咸切齒御史尹穡

素附會□□惡□□□□大夫公論益□於是缺下

秀安僖王下字奮然曰人情如此國勢如此身朝列逢

明主可嘿乎遂上封事累數□言□敷迷國罔上者罪

且曰延醫治疾疾益□醫當遣疾缺賞姦何以□願請

尙方劍斷姦臣頸死不恨上感悟卽罷檣會太學生

扣閣上書大指與公同執政激怒上謂公曩久在成

均□實倡導上察其□不□動公□□祠□是時朝

野皆壯公節初紹興權相妒忌鍵塞言路踰二十年

高宗更化□孝宗初政始開通下情作成士氣然風俗

頽靡未□□□臣獻納□轍□□無缺下奉常博士

抗大義排論當權言人所難聖明采納公志伸矣名

高矣而媚嫉隨之後雖起用不過外缺持麾節使當時

不出位而言公論□責也□除□遷缺下計哉不于其

身于其子天之報施亦明矣公字德揚世爲龍泉人曾

大父君平贈太師冀國公大父缺下卽江淮等路發運

司主管文字贈太保缺下卽贈太師昌國公天姿穎拔

弱冠以文贊石林葉公公奇之待以國器有書公文卷

詩曰何郎壯缺下無此□□□祝缺下公公撒見所著

述謂必達到遂以齊國歸焉中興新太學遴選髦士

公食其□月書季考屢占魁缺舉子□□□優□□選

擢□□□□□進士甲缺下爲詳定一□□□□所

刪定□□赴省罷改太學博士孝宗受□詔百官□

陳弊事公請缺風俗舉□□定缺下隆興元年□□□

續唐書金石志卷一  
圭

博士明年

缺下四行

提舉福建常平茶事閩人知公治

董政

缺過

而篤於信義聞善則服與公游者敬而□之

則人急无□親疎缺下薄喜從方外養性絕粒若無意

於世者初公馳聲上庠□學能文□黃

缺下

守泉以□

志趣詩筒往來無虛月字畫遒勁兼晉唐□筆法得

者藏弄爲榮不治生產

缺下

校中秘兼史館□□公旣

貧□□□□□維縉衣美爲薦紳盛事天顧嗇□

壽年僅五十八階

缺下

觀文登近再爲中執法參大□

□樞筦臨明福大藩典司留鑰顓江淮大制閫□與迎

養孫曾滿前慙封齊

缺下

觀文而□太夫□以儉勤起

家以嚴慈訓子享福壽之備也太夫人歸鄭□年未笄

姑燕國章夫人治家嚴整缺下學□太夫人整□□□

□費及後居間樂施又能曲成厥志□□□語太夫人

若先吾死當誌汝三事奉姑如古賢婦吾久困不缺下

贈問者□息□文缺下以情寬貸太夫人喜見顏面繩

治□□戒曰勿爲已甚年齡益高躬自補紉或勸毋自

苦答曰人生在缺下朝廷表于宗族鄉閭積厚流光宜

哉鄭公之薨也以酒熙五年正月甲寅其葬也以六年

二月壬寅□兆□□□年缺下薨于□□□□□□

辛酉附鄭公兆子三人澹觀文殿學士金紫光祿大夫

續括蒼金石志卷一  
古



知建康府江南東路安撫使兼□行宮留□江淮制軍

大使

缺下

女二人長適宣教郎新知嚴州建德縣潘楹

次適通直郎知婺州金華縣鄭如同孫男六人處德承

務郎監温州□□商稅處仁

缺下

處禮奉議新□南東

路安撫司主管機宜文字處智承事郎監嘉興府羅納

倉處□承事郎新□臨安府新

缺下

安□桂店□□□

□曾孫男女八人宗房承務郎何氏慶未艾也齊國華

踰年觀文□思表隧不敢以蕪陋固辭

缺下

何望縉雲

世有顯人□以綿宗一儒焉奮身

表表鄭公有

學有文而又有才□然軼羣

隆乾盛際

缺下

口章婁貢 口龍領口 請尙方劍 動悟帝宸 名

以言高 位以言屯 詔俾來朝 缺下

口口南閩 口口上衮 沒有迫口 口口賢祠 爲

今良臣 握樞制閫 勞烈著聞 承口口口 缺下

榮始衰終 莫與匹倫 厚積豐報 施于仍昆 堰

山之原 口口其墳 下缺

太師鄭國公神道碑在堰山敲火礪角之餘所存

字句僅得其半矣文中有公字德揚世爲龍泉人

曾大父君平云云按君平字少嚴爲清源郡王何

伯通執中之父德揚乃何偁字爲參政何澹之父

然則此爲傅神道碑無疑矣觀其上封事數御史尹穡罪至欲請尙方劍以斷其頭骨鯁如此何不辛而不與胡忠簡並傳史冊也然六百餘年後尙有訪片石於荒烟蔓草之間摩挲而起敬者猶不幸中之幸也

雲舫

按是爲鄒國公何德揚神道碑後叙子姓云子三人澹觀文殿學士云云考澹實爲德揚繼子後德揚自生子二人澹不歸宗周密齊東野語云何澹本何僧之子其母姚氏死卽出繼何僧後僧再娶周氏及澹爲中司日周氏死澹以不逮事母審合

解官中心喪下禮官議未定後書庫官方庭堅於  
隋書劉子翊傳據禮詳辨灑灑數百言并云不可  
使出後之子無情於本生名義之分有污於風俗  
上之議乃定澹去官又碑銘有堰山之原句足證  
何偁墳墓在堰山攷范石湖太守定堰規二十條  
內堰山一條缺去據堰志云舊堰用木篠自郡人  
參政何澹築成石堤請於有司給此山爲何氏物  
業非堰山矣參觀此銘豈因澹取爲墳墓故有石  
隄之築不盡爲民起見歟

蔡華老壩記

石高一尺七寸廣二尺一寸  
正書十七行行十五字

先考蔡氏諱伯尹字莘老處之麗水人

高曾產薄先考自幼力學未壯擢乾

道丙戌進士第授迪功郎主筠州新昌

簿庚寅夏到任辛卯冬丁祖母憂服除

授温州司理參軍丁酉冬赴任庚子以

薦章陞從事郎甲辰夏任國府司錄

參軍丁未四月一日忽卧病不起而壽

止五十是冬復以薦章改通直郎名榮

而身不逮哀哉二男長潮次澹二女適

進士潘信厚梁仲孫男女各一人潮孤  
陋淺聞爲日者所惑不克襄大事者十  
六年一日 母氏追憶 先考昔寓居  
本鄉清平院嘗有樂哉斯圃之歎汝等  
何必他求潮遂得卜於院後之山以嘉  
泰壬戌十二月二十六日丙申葬焉潮  
含忍隔毒未能謁銘於賢達謹濡血誌  
其歲月大較納諸壙父執朱誠之書諱

宋蔡華老納壙文其子潮所述也不書族望里居  
僅書麗水人不書三代考妣名氏特書其父官爵

陞遷未免疏漏石在曳嶺蔡氏子孫所藏曳嶺宋  
屬麗水今屬宣平矣

雲舫

宋參軍蔡伯尹墳志在清平寺後道光辛巳年葉  
君希佐同族人掘地得之自宋嘉泰壬戌年葬此  
迄今七百餘年而碑字明秀無損按蔡潮爲王廷珪  
熙癸丑進士爲崇德知州又寄園載潮爲王廷珪  
師皆希佐攷得之

東甌博古齋郭煥春熙堂手鐫

續枯蒼金石志卷一終

原刻繫宋嘉泰壬戌年蔡伯尹墓志銘  
重刊海昌鄭相森校字

續枯蒼金石志卷二

嘉興李遇孫金潤輯 海昌鄒柏森殷甫校補

麗水王尙廣雲舫參 麗水王宗訓式之同校

宋

國學蕃仲納壙記

碑高三尺廣二尺五寸題額十字隸書文十四行行二十四字楷書徑七分在水南民家

先君諱景武字世謀舊字蕃仲處之麗水人曾祖陳不仕祖杲迪功郎父志遠四請鄉舉該□□迪功郎雷州司戶兼錄參先君生於紹興甲戌十二月巳□□□□□大志以春秋名場屋旣而更右□淹貫韜鈴後進學



□□者皆祖焉嘉定戊辰補右庠繼請庚辛監舉未幾  
得疾以壬申九月二十三日卒于正寢享年五十有九  
娶余氏男五人廷紳廷縉廷選廷玉廷俊女四人長適  
鄉貢進士王顯文次適王僖次許適梅樞季尙幼初先  
祖晚官于廣生理不振先□□外家克自木立姊妹  
五人皆擇佳士悉力津遣奉□□□氏日俞氏孝養  
無□□氏乏嗣推其近族俾□□□□□□奉高  
之□□功名困躓晏歲僅爾收□□□□□□□□  
□□□□□□□□者嗚呼痛□□□□□□□□  
□□□□十日丙申葬于□南蕭塘祖塋□□□□□□

□□□□□□□姑叙歲月納諸壙次予

下缺

嘉慶間水南人士中得石一方有字十餘行弗貴也道光己亥予聞之命工以拓本來乃宋國學某姓氏蕃仲壙記也已泐去一角并爲瓦甃磨損數十字不得其詳觀其淹貫韜鈴爲後進取法其才學足重一時惜舊府志不載

雲舫

按蕃仲名景武不知其姓是棄文而就武者故有大志以春秋名場屋語後改武於嘉定戊辰補右庠年已五十有四又五年而亡其遭遇可謂困躓矣

麗陽祖殿鐵香爐款識

爐高二尺一寸  
口徑二尺九寸

橫街叢桂會都會首國學正奏名賀巽捨財鑄造大香  
爐一隻獻上麗陽祖殿永充供養乞保職位崇迂合家  
吉慶更所在會士庶各獲安甯時嘉定七年五月吉日  
謹題

麗陽祖殿鐵香爐款識六十五字陽文橫列周遭  
五十八行每行一二字不等在爐簷下國學正奏  
名賀巽郡志不載枯蒼彙紀載賀巽嘉定甲戌進  
士而特奏名無其名此款末署嘉定七年卽嘉定

甲戌也賀異旣於是年成進士何此爐五月所鑄  
尙題奏名恐彙紀所謂甲戌進士者誤耳宋元以  
來麗陽山神最顯著叢桂會者各村賽會之一也  
稱橫街者今麗陽祖殿左前里許有賀家莊者疑  
卽是其地又殿之左右昔有蔡家莊周家莊皆燬  
火千家明季爲鏹徒焚劫至今頽垣斷井猶歷歷  
可見余祖墓在麗陽山麓每歲三過焉徘徊故址  
摩挲鎔鐵感慨係之

雲舫

按明以前麗陽廟香火甚盛凡士子赴試必宿廟  
中祈夢因刻應夢錄以傳已見前麗陽祖廟碑跋

中此叢桂會之所以名歟

麗陽祖殿鐵鐘款

鐘高三尺九寸  
口徑二尺七寸

□□弟子葉□大侍母吳氏妻周氏共捨財□造保伏  
□□安泰家眷吉祥者劉定□妻何氏男□□□孫新  
婦葉氏共捨錢□造保安家眷吉祥者知觀道士王世  
隆周洞明葉日益道生葉嗣道范致道陳洪有等  
募緣伏願

聖人万万歲道法興行者嘉定辛巳臘月謹題

麗陽殿鐵鐘嘉定十四年道士王世隆募鑄稱知

觀者疑非麗陽故物捨錢之錢作𠂔王司寇萃編云𠂔是錢俗書省文始見於金余以爲此泉字省文非錢字省文也古者謂錢曰泉布許氏云古者貨貝而寶龜周而有泉至秦廢貝行錢王莽意在復古其錢名曰大泉小泉么泉幼泉中泉壯泉貨泉之類其文皆書泉字則𠂔字自漢以來當已有之矣非始於金也

雲冊

按泉取流通之意古皆作泉至錢字說文訓銚也古田器引詩痔乃錢鑄是錢乃後人借用之字泉作𠂔爲泉之行草書亦非省文也

謹按錢市井常作𠂔考紹興三年處州天慶觀  
鐘款有云此洪鐘用銅三千五百餘斤用𠂔一  
千四百餘千是𠂔字已見於南宋之初王述菴  
司寇金石萃編言自金承安四年韓城圓覺寺  
鐘款書𠂔氏者二人始雲觚已言其非惟原本  
兩跋云是泉字省文漢已有之及𠂔爲泉之行  
草書一無確鑿引證亦未可遽定述菴司寇所  
云𠂔是錢之俗書省文揆之鐘款意義相符識  
以待正

殷甫

晉光寺鐵鐘款識

鐘高五尺圍一丈三尺上下共十二區在雲和縣西門外五里

今上皇帝

保國安民

普光院住持僧了微仍再募緣重新鑄造福報四恩三有奉爲捨財施主增崇福壽嘉定甲申仲冬謹題小師祖隆師孫慧明

婺州義烏縣修造冠梳何文貴拙捨手工錢二十五貫福保壽命延長吉祥如意者

右普光寺鐵鐘爲宋嘉定甲申寺僧了微募緣鑄按普光寺在雲和縣西里許五代時唐清泰二年



建文云重新鑄造者則其寺向有鐘而已毀也但  
捨錢者惟修造冠梳匠一人殊不可解雲舫

修造冠梳今無其名以理推之豈製造束髮巾之  
匠乎說文訓梳爲理髮抑或與人理髮如今之薙  
工等然云修造則又非是

柳惠叔塘記

石高二尺六寸廣二尺正書  
十六行行十六字篆額十字

宋趙時鰲撰直隸  
□

先君諱襄字惠叔第廿二自晉分東西眷世爲處州麗  
水浮雲人曾祖不仕祖深故迪功郎父夏故將仕郎

母葉氏太師衛國公樞密翁親妹公出鎮會稽該遇

紹熙五年明堂恩折京秩以迪功郎□補初蒞章貢戶  
丁□艱□授宜春簿次□陽知錄次宰邑安□望□再  
調華亭鹽事改通直郎致仕先娶龍泉林氏無出再松  
陽劉氏生子六人長男垂娶平陽陳氏次鶴娶同里徐  
氏幼季娶王氏長女適郡城修職郎□徽州績溪簿趙  
繇次繼姻幼適里人梅翺而亡先君生于乾道己丑三  
月十五日辰時卒於紹定戊子二月十八日戌時享年  
六十母劉氏後一月繼喪葬于東塘雷岡垂等謹卜辛  
卯年七月初一日乙□奉靈軒窆于角山之陽泣血敬

誌諸壙 亥山巽向

柳惠叔壙記其子孟仁述也石爲柳氏家藏浮雲  
鄉宋屬麗水明景泰三年析爲雲和縣葉翥字羽  
叔青田人其地今屬景圍枯蒼彙紀云翥以進士  
官至戶部長貳慶元間除樞密院使以觀文殿學  
士致仕封祈國公此碑作衛國公援碑可以證誤  
碑末橫列亥山巽向四字按亥山不能向巽或兼  
乾巽也 雲舫

按惠叔爲太師衛國公樞密葉翥之甥其所得微  
職亦以舅恩所致生子六人統男女而言所以男

三人稱長次幼女三人亦稱長次幼女次稱繼姪  
者是必長女適續溪簿趙汝祿先亡而以次女爲  
之繼室耳叙次草草殊未明晰

延昌寺遵公捨田碑

碑高四尺廣三尺凡二十四行行三十字  
行書徑一寸額六字隸書徑三寸在北部

遵公捨田之記

口波羅密檀爲之首華嚴經云如以慈口供口德精進  
持誦者此施口口口甚多我佛有大慈悲無諸慳吝  
爲佛弟子得佛心法以敬心供佛口悲心口口有情今  
能施所有以自供其徒且使亡者獲福則悲敬二田益

兼之矣昔牛口祖師自負米以供衆百丈禪師相率爲衆開田彼蓋不以已爲已而視衆爲已其心廣大平等利之所及顯幽無際無住相布施夫豈外是可遵大師君溪鄭氏子冠歲受業本郡之崇梵中歲始駐錫於延昌年七十有七天性坦夷內外如一少欲知足澹然無累以施利貲度小師祖壽外小蓄餘積俗家有少分祭谷其姪輩叟齊叟與爲儲所得用以置田肆畝餘計租捌石五斗與寺僧約師之歿後施諸常住以供衆僧且以爲父母忌而師逝之日常住口不能忘口口謂此田之施雖微然銖其積而有之者姪之功多焉至得其所

而施之者□□所利爲不少矣後之人視師□所爲復  
加益焉所積日厚常住□□佛遵將由是而愈隆爲福  
詎不大哉鏜於師爲□行其姪孫必大卽晉叟之子壯  
□□進士弟今需岳陽戶曹次其家種積之米可知住  
持僧從正勤身□□檀仁歸心寺宇像設莊嚴一新皆  
得師以成其志亦共住得賢之慶云姪脩職郎婺州東  
陽縣西尉鏜譔姪孫迪功郎新衢州西安縣尉龔書姪  
孫迪功郎新岳州司戶參軍必大題額宋紹定己丑良  
月住持僧從正立石

碑昔剏及六年甲午下□鬱攸爲變院與石被俱焚

□□□姪□□慮□師□与主僧議命工刻此以詔  
來世齊叟亡室孺人陳氏□□乙酉十二月二十七  
日仍捨田一畝一角計租二石爲伊蒲塞□供資助  
往生併薦出嫁亡女曾二小娘同登彼岸嘉熙戊戌  
仲冬嗣業孫當院知□僧志珍重立石

一鄭家畝田計租七石五斗爲師九月二十四日忌  
備供養□□□食七品

一甲賽畝田計租一石爲十二宣義十月初八日忌  
孺人吳□六月初十日忌

一上叫田計租二石爲孺人陳氏十二月二十七日

忌又石磧田計租一

下缺

僧衆 了義 德恭 祖紹 了一 德和 若彬

十六宣

下缺

遵公君溪卿氏子捨身延昌寺其姪晉叟齊叟能  
以其家祭穀取遵公分有者積儲置田資助遵公  
清修爲父推恩於同氣亦長者也然以妻女忌日  
混列僧家碑版未免近褻祭穀作祭谷或以爲市  
井俗書余按老子道德經谷神不死谷當作穀漢  
書王莽傳其夕穀風汎疾穀當作谷詩谷風疏谷  
之言穀穀生也可知谷穀古通用非市井之俗書



也。雲舫

按遵公以舊家子而度爲僧立悲敬二田所謂以敬心供佛以悲心供諸有情是也而晉叟齊叟兩姪更能仰體叔父之心以分授祭穀積儲置田待施常住圓寂後其徒立捨田之記姪孫鏜又爲之譌文姪孫龕書文姪孫必大題額時鏜與龕俱作縣尉必大成進士需次戶曹一門濟濟莫不奉爲師規是則遵公不獨有功佛門抑且恩及所親也已

松陽縣進士題名碑

碑高八尺五寸闊四尺行書文二十五行行十六字正書徑一寸篆額八字長四寸陽文

松陽縣志卷之五

松陽介于括蒼之

南羣山森秀如

列障如

倚屏清淑之

英造化磅礴

碑父子世

科勲著

方面持橐論思

兄弟

蟬聯

迭將使指以儒飾吏者皆邑人之傑也

文擅當

時細書

東觀好古博雅耆艾

不衰又

今之巨擘焉十數季來氣

數尤盛

春官得

雋舉不乏人

酒

祐七年秋葉君茂

洪繇

太學擢第

歸

閭里榮之令長會稽高君彭盍朋簪于鄉

校舉觴相屬爲志其榮而題名之石適無遺刻迺礲堅

珉以續前紀謂余嘗假守是邦移書來訟俾記其顛余

續括蒼金石志

卷二

十

復書曰牙籤汗青厲志研精詞場擷英龍梭震霆劃然  
衆騰父老歡迎喜溢謝庭世以爲榮者其不在茲乎余  
觀先正鉅公褒然爲舉首人語以喫着不盡則曰忘不  
在溫飽惟其抱負者遠大故所植立光明俊偉至今望  
之若神人然士生天地間任重道遠豈獨榮其身而已  
崑崙濫觴益潛其源豫章拱把益培其根渟深蓄茂日  
肆以宏用之則行發爲事業使天下謁其人而紀其州  
邑夫豈一時榮乎哉余外氏家古松故於松士拳拳焉  
山川炳靈人物秀發當有名斯世而光前哲者矣賢令  
君試以余言質之曰然則勒諸石石 祜戊申仲春朝議

大夫直徽猷閣主管建康府崇禧觀東陽馬光祖記

以上第一層

葉茂洪

祖循祖

寶祐改元

項汝明

榜會叔祖得一

潘鳳

元名大方入太學癸丑姚

景憲景愈伯自厚叔自牧

沈旼

寶祐四年丙辰文榜

六世祖文通皇祐榜

潘仕林

景定二年壬戌科

潘夢午 景定二年壬戌科  
方山京榜

葉埜 咸淳元年乙丑科  
阮登炳榜

葉霆發 咸淳七年辛未科  
張鎮孫榜

葉桂錫 咸淳七年辛未科  
張鎮孫榜

皇明進士

周月華 洪武十八年乙丑科丁  
顯榜族孫同倫翰躬

俱舉人

盧璣 天順八年甲申科彭教榜大明  
賦曰僧道巫祝尼媼之類為異端經

有明訓律有明修進士盧璣建言申  
明之榜示天下此我朝之韓愈也

詹雨 成化二年丙戌科羅倫  
榜父景威舉人弟寶進

土

以上第二層

詹寶

口治口年丙辰科口口  
口父口口口口口口

下缺

松陽明倫堂有碑在埃塵中拂拭讀之係元復頻  
地記復視碑陰爲宋進士題名記爰並揭之題名  
碑分列四層上列馬光祖記前數行剝蝕不可讀  
以松陽志校之補錄闕文於旁藉志以知碑缺者  
二十七字據碑以正志悞者十有三字誤字如碑  
飾字志作飭珉作砥紀作記顛誤作端龍枝震霆

句逸獨作特斯世誤斯石葉茂洪作茂宏潘仕林  
作自林之類皆志誤也次層乃進士題名宋九人  
明三人第三層僅明一人而已按篆額稱進士題  
名式文云題名之石適無遺刻乃礪堅珉以續前  
紀則是碑之前尙有第一石已無存據志所載松  
陽宋進士尙有六十四人殆具載前石耳當時旣  
立此石然有題有不題者如志葉茂洪之下尙有  
葉隆禮咸國乙丑科有趙必瞻蕭必強二人元有  
練魯周梓二人明洪武辛亥科有王夢龍處州府志作文  
龍建文庚辰科有王遂永樂丙辰有劉性同府志  
歷水

人嘉靖庚戌科有毛文邦九人皆不與題名并錄此以俟考者 雲舫

余於丁酉冬攝松陽學篆同王雲舫搜得是碑於明倫堂之東壁已屬雲舫照松陽志一一考證之松陽向有題名碑無續之者是時因葉茂洪由太學擢第歸令長高彭續爲之轉請前假守馬光祖爲之記馬公不獨文推作手卽其記中所云崑崙濫觴益濬其源豫章拱把益培其根方不愧任重道遠云云議論宏遠足以砥礪末俗矣

謹按是碑勒於國祐戊申譔記者馬公光祖攷



趙祐爲宋理宗第六建元凡十二年戊申是酒  
祐八年也光祖字裕齋東陽人嘉熙間由莊文  
府教授出知處州歲旱書詞自責涕泣請於天  
曰減光祖十年之壽爲枯蒼三日之霖果大雨  
在處多善政決訟如神嗣進徽猷閣學士江西  
轉運副使爲劉漢弼論罷之寶祐六年再起爲  
京湖制置使十二月詔定軍歸峽州以援蜀進  
戰房州蒙古少却景定二年知樞密院事兼知  
臨安府三年臨安饑詔賑卹貧民時知榮王與  
芮府有積粟三往見之王以他辭光祖乃臥于

客次王不得已見焉厲聲曰天下誰不知儲君  
爲大王子今民飢欲死不以此時收人心乎王  
以廩虛辭祖探懷中出片紙曰某莊某倉若干  
王語塞遂許以三十萬始得遣吏分給活飢民  
甚衆迄度宗咸國三年六月參知政事尋卒諡  
莊敏公之志識偉明抱負遠大正不獨榮其身  
已也故其崇論宏議洋洋灑灑紀科名之盛並  
以勵後學之純爲薄俗希榮者易宜與嘉珉而  
並壽也碑緣葉茂洪由太學擢第歸立同時尙  
有葉隆禮無名並咸國乙丑科葉埜下遺趙必

瞻蕭必強二人及元有魯練周梓兩進士未載  
此皆遺題抑志中有誤識之以俟考證 殷甫

西山悟空寺捨田記斷碑

碑二段上段四十七字  
下段一百十字正書

捨田記

敕西山悟 下缺 有年銖積寸累置到十七都 下缺 入本

院供佛齋僧爲永遠計 下缺 長命同衣修懺轉藏齋筵

饅頭 下缺 菓及香燭燒紙之類並仰常住 下缺 徒弟及

俗舍子孫拈香證明輪年 下缺 日子倘有不遵前項規

式許派下 下缺 當住不得執客大補歸寂之後改作 下

缺前式特刻於石用永其傳寶祐乙卯下缺賜紫廣照

大師大祐立石小師下缺師孫德昌德猷

德瑛德謙院舉下缺梵超德全德芳

俗兄鄭下缺了復又捨大杉晚租五畝

永嘉黃端仁刊

右悟空寺大祐和尚捨田記碑已泐茲得二段於  
佛座下文亦殘缺不完大概示釋子永守其田耳  
雲觚

按悟空寺在麗水西鄉碧湖之上離郡城五十餘  
里章樵雲明府催科至其地歸以語余寺內碑刻

頗多及訪之皆明以後刻後雲舫從佛座下得宋寶祐殘石二段急補錄之

按碑中斗作斗玉篇雖云俗書亦有見於子史管子乘馬篇六走一斗前漢平帝紀民捕蝗詣吏以石斗受錢後漢仲長統傳令畝收三斛斛取一斗以斗作斗自古有之未可以俗書指之也殷甫

延昌寺僧祖紹捨田碑

碑高五尺廣三尺二寸二十行行三十字正書徑一寸額六字正書徑四寸碑首泐其半

紹公捨田之記

韓吏部曰喜佛老作原道曰博愛之謂仁行而宜之謂之義以彼去仁義而利言意者惡其愛不博行不宜也今有人焉名雖梵流至於父作子述愛能博以周行能宜以當名爲暗合天理者延昌紹公師弟子是也師自少侍太師祖主院事盡誠翌贊寬厚平直有補常住沒衣鉢羨餘造塔宇爲報本地置土田爲歲齋糧仁義已萌于是歲在寶祐乙卯 總卿葉公孫請住集報庵方清閒自適壽不副德甫三載而歸寂其嗣若彬若洵俱善繼述戊午春安厝師于塔之右穴中連本師祖正公之位左爲師祖恭公之儲別用塲地貿易塔基乃以師

田租捌石柒斗入院充忌供復以師義父母葉氏夫婦  
侑供仍捨租叁碩餘入悟空院爲師所生二親忌禮是  
乃親疏遠近如一愛博而行得宜於此可見佛家所謂  
平等儒家所謂絜矩道家所謂不町畦盡兼之矣余於  
師爲契分謹摭實紀事庶使來者遵奉師名不朽爾噫  
忌租乃仁義心中流出明默共知固不以有記而顯亦  
不以無記而泯若夫三上人父子之懿功口之美必此  
可口而出之師名祖紹俗姓徐二孫守詮守律歲在戊  
午鄉貢進士葉酉慶謹撰

一鄧家園墾地壹片計壹畝三十五步換塔基

一茆竹田貳處計租玖碩

一北部田四處計租貳碩柒斗

已上爲師紹和尚三月十八日忌備供養捨椀櫟齋食七品

附薦南陽千七承事集公太君毛氏二位

寶祐六年季春甲子日當院小師比叻若彬若洵立石

永嘉黃端仁刊

師義父母男葉昱孫又捨北部田壹處計租壹碩伍斗爲考妣師忌口供

北部延昌寺紹公捨田碑文爲鄉貢進士葉酉慶



作以原道命意以絜矩爲此殊屬不倫余嘗恥流俗與僧道相契認爲義父母不料宋季已有此惡習此碑本無足取姑錄之以垂戒

雲舫

按是碑援儒人墨措詞鮮當不可爲計其實置田亦甚無幾無容作記姑以其宋刻而存之

小赤壁宋黃公度題崖

錄書

小赤壁 三大字

松陽縣志云石筍山石壁中有仙人赤腳跡宋狀元黃公度刻其石曰小赤壁道光丁酉冬李金闢

師攝篆松川約余同游余散步西郊至延慶寺舍利塔下又南踰均門循西而上數百步皆巉巖立石上刻放生潭三大字正書傍刻大花押皆徑三四尺更西上百步壁間刻小赤壁三字隸書徑三尺筆致嫵媚頗饒逸趣惜旁有小款一行剝落不可辨父老云此處昔爲深潭山光波影一碧萬頃比年爲沙漲矣東指小村落云此卽黃公度所隱處今名其地爲黃公渡予東觀石筍山與赤壁相去三里許未嘗連續壁中亦無赤腳跡如志所云者黃公度爲紹興戊午狀元何故來隱此山亦無

所攷 雲舫

按黃公度既隱居于此何松陽志流寓中不一及焉余意黃或偶經斯地畱書刻石抑或好事者索其書而刻之耳如麗水南明山有米芾大書三字亦未聞海岳過此頗疑爲劉巨濟所乞書也黃公度榜松陽有葉實者與之同年則遺跡有自來矣

何運管墓道

碑高九尺廣三尺八寸大字二行行四字徑一尺四寸楷書

有宋運管

何公墓道

右何運管墓道碑八大字魄力雄勁視之有英氣  
逼人在麗水西鄉堰山不知何人之墓故附宋末  
以俟考

雲舫

東甌博古齋郭煥春熙堂手鐫

續栝蒼金石志卷二終

原刻疑水澤學銘謂彌述清軍文梓同

重刊海

自都

相

校字

續栝蒼金石志卷三

嘉興李迥孫金澗輯 海昌鄒柏森殷甫校補

麗水王尙賡雲舫參 麗水王宗訓式之同校

元

南明山鐵香爐欵識

口徑三尺七寸

前住持當山口梅口材偕住能仁寺比邱正口鑄大香  
爐一口恭奉大佛寶殿永充供糧上資恩有者皇慶元  
年吉日題 伍都匠者國成之小助

南明山鐵香爐欵識年久爲鐵縮侵蝕模糊莫辨

余遣工往拓得五十二字文字頑劣殆出匠手供  
養作供糧亦誤能仁寺在小枳蒼山今廢

雲舫

道光甲午督學陳碩士先生案牘試士畢同陸笱  
田太守汪礪軒總戎登南明山觀葛稚川靈崇二  
字米南宮書南明山三字親搨其文藏之見殿簷  
下鐵爐使僧拂拭得皇慶二字大喜卽命遇孫補  
入金石志閱數日屬雲舫僱工往拓得此五十二  
字比續志成而先生已歿於京邸眷念疇昔喟息  
久之

碑高九尺左右泐去數行文行  
書徑一寸篆額九字長五寸

南 州 山 巡 觀 記

上缺 溫 下缺 葉現譔

上缺 事口處州 下缺 事邢或書

承務郎處州路麗水縣達 下缺 口事伯顏察兒篆

額

橋上應少微以處士名郡其扶輿清淑之氣旁薄鬱積  
結爲名山鍾爲異口口口出後先相望若唐元真護  
國天師靈虛見素真人葉公尤所謂傑然者已師發迹  
卯山標名紫微勳著國家澤流後人靈跡顯應具開元



御撰碑言略弗著由樁城西四十里地號高溪溪入原  
十里而近爲聖山古龍所家其鄉嘗爲歲旱師由卯山  
望氣跡其居丹書鐵札檄龍雨甘澤隨應歲以稔告  
鄉民德之相與肖師像立廟溪西以土神配禴禳每效  
福綴頻集環溪口口皆師裔緒合詞于朝請卽廟建觀  
賜額高溪時開元間也宋祥符改錫崇道宸居巍巍有  
翼有嚴迨宣和睦寇兵燬惟師像巋然獨存草創興口  
未復先緒至<sub>國</sub>熙壬寅則山靈中歇口脩幾墜時總餉  
敷文葉公宏暨叔父脩職公芮慨念厥緒口爲樹立迺  
請葆光道士洪端本爲之主爬梳整理首復甲乙舊規

一傳而葉葆和再傳而詹虛一改向重建面甲背庚拱  
挹中法景氣頓回殿堂廊廡齋館庫庖爲屋凡百五十  
楹前觀主紀道潛法嗣陳如琳筵佐其役至陳觀口繼  
序三世弗替有加時都門捷重堤舊畝新畝是堂是構  
前咸陽主簿葉君師孟篤志粉榆倡誼協助集里曲建  
齋會瑯函藥笈音梵相答泰定三年三月欽奉

聖旨賜大護持林谷動容道俗歸仰先是觀之始基開  
山祖命工闢原下蕪磧爲田僅二頃歲食恒不給至是  
□□□家各捐所有廩入增裕合前七百斛居與養  
兼備矣咸願有述以垂永久余嘗謂道家者流□清淨

□□□□□□木專氣致柔歸樸復樸彼惟自求於內  
非有待於外也雖然室廬之興替人勿□□□□□  
□□□□□□□□靈□焉是觀也幸住山數公前倡  
後承以昌其緒鄉之士大夫□□□□□□□□□  
□□□□□□□□□□室廬益壯晨鐘□鼓升堂千  
指而人物益繁蒼□□□□□□□□□□□□□  
□□□□□□□□□□□□伊護之功豈非祖師之  
靈會日□□□□□□□□□□□□□□□□□□  
□□□□□□□□□□□□□□□□□□□□□□  
來者□□□□泰定  
下缺

右葉現撰高溪崇道觀碑前敘葉公發迹卬山標名紫微卽謂道士葉法善也不署鴻臚卿越國公而特書唐園真護國天師靈虛見素真人意謂老氏園穆無名不藉褒錫爲榮歟歷紀唐宋以來美號屢錫峻宇迭興逮元季克復舊規至是改向重建爲屋百有五十楹廩入增裕七百斛居養兼備當時崇尚其教供奉殷隆於斯可概見矣碑云是觀建於唐開元間賜額高溪宋祥符改錫崇道而栢蒼桑紀所載宋治平三年改今名郡志亦如之不知孰誤是碑爲邢或書秀逸閑雅雖宗北海而

無欹側之態此括碑之最佳者今日流傳北海碑  
搨每多贗本反不若元人書翰原刻之爲美也近  
聞寺僧橫碑作灰坑石將來是拓不可得矣雲舫  
歷攷郡志見葉法善鍊丹試劍各遺蹟一一載之  
此獨以丹書鐵札檄龍沛雨甘澤隨應歲以稔告  
則其功德在民矣立觀以祀之也固宜

謹按是碑撰記者葉現現字景龍麗水人南陽  
侯葉琛之弟初爲瑞安州判官至元間以臨安  
縣尹致仕洪武初有薦至京明祖試以詩稱旨  
授通州勾管尋陞府判有惠政擢南雄知府宋

文憲言其飭己廉介操心仁恕後祀名宦記前  
題款三行行字均有剝蝕今審度之第一行溫  
字上下缺泐者當是將仕郎溫州路瑞安州判  
官葉現譔撰之至順二年現譔重修通濟堰記  
列銜將仕郎前溫州路瑞安州判官正符合第  
二行是承事郎處州路麗水縣尹管勸農事邢  
或書第三行達字下缺當是魯花赤主管勸農  
公八字合之是承務郎處州路麗水縣達魯花  
赤主管勸農公事伯顏察兒篆額邢或伯顏察  
兒均無攷麗水縣志一再修輯失載其名殊屬

疎漏因原跋未詳識以待正 殷甫

萬佛良緣碑

碑高六尺五寸廣三尺五寸分十六層上十五層刻姓氏下一層刻記篆額四字長五寸碑在白雲山

萬佛良緣

比耶

宗浩 志口 道備 大崧 善普 惠良 惠昌

惠清 惠日 似月 景初 從善 善住 必丑

道心 正宗 永超 永滋 道從 圓虛 德輝

正興 歸正 可敬 妙智 淨義 智堅 清道

惠思 惠相 斯恭 以文 智寶 時順 繼珠

德興 必盡 德紹 允攸 宗元 唯一 善言  
行質 一箇 師直 善用 彥素 師正 承範  
自省 自性 道銳 道安 信觀 行普 了然  
曇瑞 道詢 了心 得箇 宗可 子瑛 至雅  
如日 自休 正因 道燦 覺森 惠心 宗顯  
覺明 景初 廣修 淨學 慧休 道明 廣證  
廣信 可聚 妙寶 善繼 道謹 奉覺 正德  
善通

比叻尼

覺最 自付 道謹 善因 宗淵 資深 如山



慧希 惟清 惠清 靜安

信士

湯南潤 湯福增 湯延 湯桂孫 湯子朝

湯蒙孫 湯君佐 湯斷孫 湯真孫 湯鑑孫

湯澆孫 王勲孫 王烈孫 王國孫 梅聲道

梅雲谷 鮑景初 王道德 柳國寶 柳德潤

柳文輔 柳杞翁 柳佛 柳君彰 柳子高

柳得時 柳順孫 王燾孫 柳魁老 柳和高

柳道深 葉君壽 柳俊孫 潘信 葉堯

夏道信 鄭道新 何德賢 包富孫 沈天禮

沈清達 尹德新 鄭子仁 鄭國珍 鄭妹弟

鄭可立 張福觀 張小孫 張愛女 張德俊

張道士 張圓孫 董紹祖 董安之 董鄭孫

董德孫 徐行之 徐小妹 徐端孫 徐佛壽

徐佛德 葉概孫 葉僧童 葉妹孫 葉一桂

葉妙皆 徐尚二 潘志老 潘福壽 劉觀保

項僧弟 周德源 李道僧 呂慶 傅道士

謝安貴 吳僧有 鄭黑僧 葉孰老 葉鎮川

翁德傳 方禹老 張孝 鍾仁鼎 徐崇孫

徐道興 徐迂孫 朱守中 梁誥老 顏勤老

湯富孫 何剛道 何弟老 梅道興 金興老

陳佛德 伍文勝 劉捨身 陳瑞達 俞榮

吳夔孫 吳妙福 林士安 李佛普 李普壽

季善政 何貞老 葉妙道 鄭道孫 胡應老

周德潤 陳覺安 章覺信 章深 張僧寶

郭通 江添孫 潘察罕 潘和尚 朱善興

周大會 周大輪 何斗保 何元老 何德惠

趙元保 趙勝保 趙道保 趙真保 趙弥壽

高善德 陳明老 胡善安 胡復老 黃琪

翁道 郭記 陳圭 葉抱 章嚴

章瑞 趙雪 趙特 錢琬 錢冀

錢大呂 錢瑞孫 葉震老 葉時若 蔣信老

蔣牙老 楊文政 潘茂孫 余文慧 方和之

湯樵隱 倪善慶 章善進 應佛元 何惠開

凌普華 凌普龍 凌記孫 施覺惠 施再老

陸清 陸普德 陸普諒 錢昇法 吳德昌

吳一清 吳仁壽 袁明壽 黃昌文 林道真

陳亞妾 劉壽孫 王福妹 潘道興 張 圉

俞文殊 毛初住

信女

葉悅娘 章惠日 何寶二娘 謝慶五娘

虞貴二娘 宋宗五娘 黃正二娘 黃万二娘

林慶二娘 林慶四娘 林成三娘 林琇五姐

徐九娘 湯楨娘 湯材娘 湯枸娘 湯慶娘

湯奴娘 湯祥娘 湯惟四娘 項珍一娘

王仁二娘 王妙璫 吳引娘 程二娘 謝閨娘

潘辛四娘 潘純四娘 王桂六娘 王元八娘

葉信娘 葉淨娘 葉催娘 葉微娘 葉珍娘

葉妙常 薛抱弟 鮑二娘 陳四娘 陳海棠

江敬二娘 陶勝三娘 包正二娘 李異三娘

梅桂二娘 四三娘 王師姑 劉寄奴 李妙慈

曾菊娘 柳鼎二娘 朱正一娘 王佑娘

王炳娘 王復二娘 鄭壽十三娘 徐清二娘

周太三娘 俞四娘 季三娘 姜六娘 鄭二娘

潘三娘 潘志娘 潘巖娘 潘滿娘 潘廉娘

潘偉娘 潘盛娘 潘回娘 陳淑娘 陳通娘

陳佛娘 陳愛娘 陳端四娘 鄭始六娘

章佑三娘 周三娘 宋實娘 宋阿奴 劉勉娘

祝詢娘 楊回娘 吳敬娘 俞禮娘 谷善娘

何淑娘 韓妙真 何茂四娘 陳一娘 陳七娘

徐七娘 金道悟 薛道智 林添奴 余潤奴

余丑奴 何狗奴 夏慶二娘 熊廿八娘

童妙旺 張淨心 李佛奴 李多奴 周大佛

丑醜 夏四娘 胡妙清 朱善喜 王妙圓

俞五娘 黃辛一娘 詹正二娘 戴妙行

蕭妙靜 江妙圓 楊妙善 鮑佛娘 章一娘

范春娘 戴一娘 邵一娘 邵二娘 林季五娘

陳新二娘 張慶五娘 葉端六娘 孫妙心

孔妙真 徐妙蓮 金友四娘 周新一娘

徐三娘 曹妙緣 蔡妙真 殷 朱元三娘

洪妙蓮 林弟娘 吳垣琇 張正一娘

董澤二娘 董同一娘 金寅妹 鄭師姑

范大娘 葉成二娘 徐端一娘 徐蘭二娘

徐仲八娘 金壽一娘 金仁一娘 繆莊一娘

魯七娘 李二娘 葉佛翁 葉智琇 劉玉女

潘進三娘 卬崇一娘 翁清一娘 翁圓女

傅佛妹 方妹娘 鄭四娘 蕭妙萱 徐妙復

葉瓊娘 葉悅娘 陳多娘 陳恩二娘

潘恩一娘 吳巽二娘 鄭懿娘 金一娘

鄭三娘 湯定采娘 夏相娘 徐熙娘 王四娘



胡弟娘 鄭裕娘 劉道娘 劉再娘 徐慶娘

徐觀娘 徐佛奴 張住娘 何環娘 趙節娘

梅妙政 梅妙明 高妙勝 徐妙圓 王妙信

方妙來 阮妙義 李了真 吳閨奴 朱明娘

陳招娘 陳妹娘 朱德娘 朱泰娘 徐双娘

高寄娘 俞管娘 董會娘 葉佛娘 何佛娘

羅五娘 戚金娘 江佛娘 江閨奴 江憎奴

江鳳奴 江環奴 楊蓮奴 楊再奴 張道奴

朱觀奴 陳喜奴 周足奴 繆富奴 王觀奴

余淑奴 余剛奴 黃春喜 陳引奴 鄭妹娘

徐觀奴	童觀女	胡佛娘	趙必慧	王亞奴
何五娘	汪奴娘	梅弟娘	陳回娘	翁九娘
錢愛蓮	錢愛奴	方福娘	蔣稱娘	潘勝娘
洪妙德	童妙真	祝妙靜	邵梅童	錢喜奴
于妙圀	丁妙智	夏妙恭	盛妙恭	葉妙榮
方辰娘	楊元二娘	章普恭	王妙圓	王妙安
楊季娘	趙妹娘	陳征娘	方妹娘	方丑娘
施道寔	謝妙靜	施九娘	王四娘	王妙心
賀三娘	王奴娘	金普盛	嚴妙智	方妙真
方冬娘	毛一娘	倪庚娘	章了娘	何臻娘

陳再娘 盛壽一娘 謝春奴 冬來 陳住娘  
滕韞奴 江康娘 吳四娘 吳五八娘 周妹娘  
張湍娘 各一佛

梵語比[卯]華言乞士上從諸佛乞法以資慧命下由檀  
信乞食以養色身所以世尊誡勗比[卯]不得安置田宅  
唯日中一食樹下一宿蓋專志於無上妙道也當時出  
家之士力而行之故有修寂滅而證真常斷塵勞而成  
正覺者矣而世之王臣長者居士見吾佛立法之嚴建  
廣廈以居之割膏腴以飯之俾無耕桑之勞老病之憂  
得以安然成辦道業此乃太畧也然法久成弊道反乎

常各私其私至公湮滅間有不忍聞之者凡屬僧園之物必曰此祝聖飯僧之業也永福於世不可蕪矣古栢城北一十里有山曰白雲峯巒秀拔唐雪峯四世孫福林澄禪師駐錫于此久成禪業歷五代至宋咸平間寺僧厭登陟迂寺山下舊址藜莽荒穢逮將百祀延祐戊午法會住持文長老端請岑峯空中和尚重複前修曾未就緒而禪侶日臻每持鉢乞諸城闔以度伏臘捫蘿杖策朝往暮還比邛無愛懼非悠久奮力而前以萬佛良緣徧干檀信衝寒冒暑不以爲勞每得一毫治理菑畬必書施主名字於石以示諸後因謂之曰此信心

膏血也夫受此食者期克成於道業苟不以道念爲懷  
國甚之報溺夫之耻可不懼乎哉予坐夏雲頂受上人  
需語刊于石後故直書梗槩云耳至順庚午休夏日前  
住連雲成山文欽敬記

武川比邨平山道衡口結緣刊石

當山比邨

缺

復祖敬書

開山

下缺

立石

昔日世尊日中一食樹下一宿而成正覺今日緇  
流食奉膏腴安居廣廈每墮涅槃者何也蓋一則  
專志力行一則習懶安惰雖曰聖不世出其實勞

逸之殊使之然也文欽萬佛良緣記可謂彼法大覺雲舫

按文欽此記說盡後世僧家流弊萬佛良緣之設彼亦無可如何耳諺云依佛法要餓殺人亦何取乎爲畢竟極樂世界在何處一笑

謹按是碑勒於至順庚午休夏日庚午至順元年也休夏諺云歇夏也詩曰民亦勞止汔可小休周益公撰光堯四月十八日丁亥本命道場朱表有云日近中休文欽旣言專志於無上妙道力行而成正覺何可云休又言徧于檀信衝

寒冒暑不以爲勞何云休夏記稱萬佛良緣楞  
嚴經言佛法有戒定慧<sub>因</sub>辨禪師曰六根涉境  
心不隨緣謂之定佛旣心不隨緣豈區區五百  
六十九人之施捨遂足云良緣乎要之僧家寂  
靜無爲淡虛悟道是謂正宗文欽之言乞法乞  
食皆非心境俱空語未可爲三乘寶筏

殷甫

### 圓明普覺大師捨田記

碑高五尺八寸廣三尺七寸五分篆額十字長二寸  
八分文及前後題款二十三行行三十三字行楷徑  
一寸三分

圓明普覺大師捨田記

圓明普覺大師捨田記

三峰梁權鐫

吾法垂教六度爲宗檀波羅密爲法中最樹幢建刹非  
宏檀度無以迄于功聚衆行道非宏檀度無以資于食  
然教流中夏蓮宮紺宇遍於寰區雖深山邃谷輪奐莊  
嚴世運推移廢墜不一非明因才謂之士間出作興則  
法之與道萎爾殆甚枯麗水雲和鄉景德院圓明普覺  
大師妙用號若海院西口氏子賦性端慤得度於耆宿  
鑑公至元辛卯稟受具戒旣而孜孜爲道銖積黍粢常  
以興建爲懷會鄰口興善禪院主僧更替靡常因循弗  
治過門者無卓錫之所師於至大己酉應衆領院事悉



口經營尋復舊觀復捐資繕修景德凡堂閣山門庫院咸完舊益新仍塑飾

圓通大士諸天等像金彩輝映景德前溪與驛道通橋梁久廢迺鑿石運材跨空結屋往來輻輳若履康衢由是聞望益彰至順庚午

帝師達降法旨褒錫美號公始經營於兩山之間造物相之金穀餘裕遂增拓畎畝鄉民售以水傷沙地悉開爲田歲入頗饒公之偉績膾炙人口一日興善繼席古材梁公訪予於翠微故山語予曰若海公與白雲師祖有金石交比於腴田一百五十秤歸於受業崇補助

香積供今以年邁餘畝欲有所歸擬以二百秤入景德  
半以備修寺修橋半以添澹堂厨且每歲十一月二十  
一日爲考妣追修以二百秤入興善澹泉修造以一百  
秤入鄰封諸刹以五百秤入圓明塔院爲薌燈日用之  
需及異日追遠費俾傳派徒衆輪年掌事其供饌齋施  
並有常儀公推先師祖之愛俾紹興善席託以後傳輔  
成厥志懼寢遠而無傳丐一言以垂不泯予辭不獲請  
益堅因從容扣詢其實遂語之曰去聖逾遠古道湮微  
據一方之席者規一方之川戶素度時者衆若海硬豎  
脊梁痛自搏節指畫心計卒成宏規復以口畝分施諸

刹平等一觀了無住相所謂檀波羅口口修登得不於  
此一念具足苟擴而充之則六度齊修萬行俱備揮戈  
慧日於末運將湮豈不踴歟子當以吾言爲若海公告  
必蒙首肯古材唯唯遂書爲之記至順口年癸酉夏孟  
前法海禪院住持妙峰彌高撰壽園禪院住持海空行  
願書并篆蓋

普覺大師捨田碑在雲和某處爲妙峯和尚撰文  
如鈴語空中歷歷明哲書爲海空和尚手筆雄勁  
迢逸確肖李北海書集有道碑稍遜生趣耳雲和  
輪租皆曰科迄今尙然小爾雅云斤十爲衡衡有

半爲秤秤二爲鈞又宋史律歷志太宗國化二年  
詔定秤法以御書三體國化錢校實二銖四綮爲  
一錢者二千肆百得十有五斤爲一秤之則是則  
古之爲一秤者十五斤也若海和尚孜孜爲道銖  
積黍綮始以興建爲懷終以分施爲業可謂能變  
易真如有善知識者矣

雲舫

妙峯文筆頗修整不似釋子若海興建於始分施  
於後大公爲懷尤不可及彼倘不入空門必能積  
綮起家以澤其親族惜乎不冠其顛也

謹按是記後題至順口年癸酉夏孟癸酉爲元

統元年亦爲至順四年攷元文宗崩於至順三年八月則至順不得有四年又攷文宗殂於上都在至順三年八月其十月立兒子酈王是爲  
[圖]宗甫踰月而殂未及改元明年春迎順帝至都久未得立及燕帖木耳死乃以六月卽位十月戊辰詔改元統其未改元以前猶稱至順四年碑勒於夏孟稱至順四年與通鑑編年之例相符至順下口當是四字因紀之

殷甫

松陽縣儒學復泮地碑

碑高廣見進士題名碑篆額九字長三寸五分文及首尾共十七行行四十一字行書一吋五分

松陽縣儒學復泮地記

松陽縣儒學復泮地記

前鄉貢進士明善書院山長陶澤撰

承事郎慶元路同知奉化州事項棣孫書

嘉議大夫處州路總管兼管內勸農事盧景篆蓋  
元統改元之明年縣尹方侯寔蒞茲邑人和政脩百廢  
具興乃冬十月朔侯入學宮顧瞻門巷隘甚喟然作曰  
古者諸侯有泮宮政教之所出也邑視地百里亦古建  
國何隘陋若是教諭余申孫進曰直學宮盡故學地淪  
胥爲民居幾六十年不可卒奪侯曰嘻近聖人之居其

可以若是越三日居人撤牆屋除壇場復侵域以俟東  
西若干步南北若干步截然方正侯至而喜曰能若是  
亦可以爲義民矣於是疏爲淪漣樹之松篁繚以周牆  
夾之靈星而泮宮之制以備在昔夾谷之會齊人來歸  
鄆謹龜陰田書法與濟西田汶陽田特異謂夫心悅而  
來歸非力邀而強致之也方侯讀聖人之書其亦得夫  
感化之妙也哉嗣是而葺倫堂興兩廡置庖湏具祭器  
黜堊丹漆煥然一新迺延師儒乃集學徒彈琴賦詩日  
講月試凡學政之所當舉者莫不備至人喈喈稱曰縣  
入國朝得賢尹自赤盞君以下惟侯一人太史公傳循

吏漢無一人與而松陽蕞爾邑得二賢令於明時茲固  
不能數也古循吏如公孫僑夫子稱其使民義謂都鄙  
有章田有封洫之類今方侯能以義使民而其民能以  
義讓地是皆可書余君泊縣幕僚鄭君偉懼其久而復  
湮也請刻諸石而且以爲來者勸侯名明安字詠道會  
稽諸暨人至元二年秋七月旣望記承務郎松陽縣達  
魯花赤兼勸農事伯咬兀哈進校尉松陽縣主簿禱  
刺沙松陽縣尉張良臣典史鄭偉教諭余申孫訓導葉  
詒孫且沐徐老孫立石

邑人陳仲方刊

右松陽縣學復泮地碑文章古茂書法出北海而



柔媚處絕似鷗波所謂剛健含婀娜也惜石理粗  
頑鐫工稍拙陶澤爲明善山長志誤爲教諭縣尉  
張良臣誤入典史列余申孫教諭誤爲訓導皆可

援碑以正志

雲舫

按是碑在松陽學明倫堂一面宋刻題名余與雲  
舫搜得之碑云元統改元之明年縣尹方侯實蒞  
茲邑爲元順帝卽位之二年歲在甲戌元政從此  
日替方侯下車之始孳孳以振興學校爲急可謂  
賢矣謨文書丹皆不苟此元碑之最出色者

謹按記言赤盞君以下惟侯一人改郡志赤盞

顯忠是也官承事郎元貞二年令松陽尹到任  
閱兩月卽重建文廟學堂齋廡厨廩煥然一新  
學士張伯固爲之記未及代除脩較杭州監事  
士民立石去思方明安由金鑾侍直出宰邑舉  
動以禮寬猛兼濟吏民服誠懷德附頌於赤蓋  
去思碑陶澤爲教諭張良臣入典史均是志誤  
余申孫志本作教諭並未列入訓導葉詒孫訓  
導志作教諭誤原本雲舫跋考據似近涉獵爰  
記之

殷甫

東甌博古齋郭煥春熙堂手鐫

續栢蒼金石志卷三終

原刻  
重刊  
用海  
目  
初  
刊  
森  
校  
字

續枯荅金石志卷四

嘉興李遇孫金潤輯

海昌鄒柏森殷甫校補

麗水王尙賡雲舫參

麗水王宗訓式之同校

元

湯氏義田碑

碑高八尺廣三尺六寸文與題款共二十行文行四十字行楷徑一寸三分篆額八字每字長四寸五分碑陰分五列上列石屋老人義田跋文二十行行十三字正書徑一寸五分下四列義莊支給規式田段第二列二十七行下三列皆二十行正書徑一寸篆額未拓

湯氏義田記

湯氏義田記

奉政大夫江潮等處儒學提舉黃潛撰

奉政大夫江潮等處儒學提舉班惟志書

通奉大夫江潮等處行中書省參知政事韓渙篆蓋處之湯氏最爲巨族宋南渡時岐國公思退以文章家致位宰相族益著岐公曾大父太師婺國公載之長子曰大中大夫焯始自龍泉西鄉徙家東南界首凡十世至武翼大夫大節武翼生望以父蔭讓其弟始不有世祿有子曰鏞字伯韶生十三年而德祐失國遂隱不仕人稱之曰石屋處士云處士君旣不仕則混迹民間務爲生產作業家以苟完自奉甚簡薄而樂賑人之窮急

謂仁民愛物宜始於親親乃置義田以贍同族其爲田  
二百畝歲可得穀四百石擇族人廉謹而有局幹者俾  
任其出納月給人五斗有喪者二石葬則半之產子者  
一石再有子則倍之子入學歲與錢三十緡嫁女如入  
學之數娶婦則減三之一七十者每歲帛一疋能自業  
者弗預不知撙飭而有子弟之過者罷之大畧倣范文  
正公之成規而微有所損益其爲施貧活族之義則無  
以異也蓋范公有志於是者三十年暨出臨方面入踐  
政途位充而祿厚始克終其志岐公方貴顯時未及爲  
而處士君乃以一布衣爲之可謂難也已然嘗觀三王

之民皆有常業食飲服用之需不必仰於人而後具公卿大夫所受田祿亦有等差而不得過其制安所取羨田以爲相周相恤之資乎若夫合族之道又非衣食於我之謂也厥今田制之壞宗道之廢亦已久矣有能以義起禮而崇其恩愛於服窮親竭之餘不愈難哉處士君三子長濱次溱次京溱不口先卒濱與京是繼是述弗懈益虔而京不遠千里走錢塘持縣尹王蔚之序求予書其事于石以告後之人俾勿忘孝子仁人之用心何其深且遠歟固予之所喜聞而樂書者也處士君之言行前進士葉現旣備論之以銘其墓茲不書至正先

年三月甲子日記

永嘉許光遠刻

里三孝義祠中司二四所申日建

碑陰

石屋老人義田跋書

余嘗讀范文正公義田記慨然有  
感于心然公未貴時有志于是而  
力不逮及參大政得祿賜之入始  
克遂其志余山林寒士耳豈敢冀  
其萬一哉雖然余心慕其義樂其  
事終不能自釋況衣食粗足皆祖



宗之德余之親族有不自振者安  
得不少加恤乎今以伏臘之餘撥  
田二百畝歲可得租四百石爲五  
世祖十宣義派下子孫少助養生  
送死嫁娶入學之費支給各有差  
其衣食稍充者不在此限如不孝  
不義不務本業者吾不與也擇族  
之賢而能者主其計而時其出納  
焉子孫善繼志述事增而廣之實  
余之所願也或有侵欺借貸擅自

互易者準不孝不義論所有支給

數目及田段詳具於后至元三年

丁丑歲下元日石屋老人丘跋

右上列

義莊支給數目

一月給人伍斗

一嫁女者叁拾千

一娶婦者貳拾千

一育子者壹石其已育二男再育男者

已育一女再育女者並給貳石

一八歲入小學者歲支鈔拾千十二歲

以上貳拾千十五歲以上叁拾千

一七十以上者歲帛壹疋

一治喪者貳石

一治塋者壹石

義莊收支規式

一交量子粒須要乾淨不可苟容以致

腐壞出入並要平量毋得輕重

一擔租赴莊者各與酒一升歲支秣一

石以備時醞

一月支並於朔日不可那前趨後及貸

借稱息

一每遇生子嫁娶喪葬並要及時支送

毋得稽緩

一老者歲帛須要中着可用者於十月

十五日支送毋得純薄

一生子者必送晚禾喪葬者必送早禾

其餘各支鈔貫欲取字粒者聽

一每歲支壹拾石以酬掌計者之勞

一每歲新舊交承之際公同計算明白

或有羨餘續置田土

右第二列

本都田段

一潘村澳口田壹町計租拾石

一黃枝畝塢頭田叁町計租貳石叁斗

一黃枝畝田玖町計租肆石貳斗

一田圪塢頭田壹町計租壹石伍斗

又屋下田貳町計租捌斗

又松林下田柒町計租貳石陸斗

又屋上田壹町計租肆斗

又甜茶楮下田壹邱計租貳石玖斗

又新邱田壹邱計租壹石伍斗

又竹林根田壹邱計租壹石

一外畝田貳邱計租叁石

一結山頭田壹邱計租貳石

一西突田壹邱計租壹石叁斗

一西突過路田壹邱計租捌斗

一高畝大邱邊田壹邱計租貳石伍斗

一高畝礮田貳邱計租肆斗

一高畝醮田下田壹邱計租貳石

一慈睦田貳卹計租貳石貳斗

又田貳卹計租壹石伍斗

又田叁卹計租壹石叁斗

又田伍卹計租壹石捌斗

又田壹卹計租肆石陸斗

一高山張邊田拾卹計租叁石伍斗

一大林口田壹卹計租叁石貳斗

一大林口慈睦田壹卹計租壹石

一大林口新田田二畝共計租貳石

一結礮頭田柒卹計租貳石伍斗

右第三列

一新邱兒田壹邱計租貳斗

一半埤遶墾田壹邱計租貳石伍斗

一半埤田壹邱貳隔共計租伍石

又田貳邱計租貳石

一半埤礮田伍邱計租肆石

一均塢田肆邱計租貳石

一均田墩下田壹邱計租捌斗

一柳塢田貳邱計租肆石

一烏礮下田叁邱計租陸斗



麗水縣二十三都林根田段

一梅哥洋田壹邱計租壹石叁斗

又田壹邱計租壹石伍斗

又田肆邱計租叁石

又田壹邱計租壹石貳斗

一外塢田貳邱計租壹石貳斗

一門前田壹邱計租壹石捌斗

一灣邱田壹邱計租貳石貳斗

一屋上田壹邱計租肆石伍斗

又壹邱計租貳斗

又壹[邛]計租捌秤

又旱[邛]田壹半計租伍斗

一屋下田捌[邛]計租陸石

又田壹隔計租肆秤

一屋外竹林根田叁[邛]計租叁石

一屋外突田壹[邛]計租伍石

又田壹[邛]計租□□

□□外埒田叁[邛]計租叁石陸斗

一屋後地壹片計租肆斗

右第四列

一麻地邨田壹邨計租陸斗

一田兒租肆斗

一山根田壹邨計租貳石伍斗

一路下田貳邨計租伍斗

一外突頭田壹邨計租貳石

一南塢兒田肆邨計租伍斗

一前山外塢田柒邨計租柒石貳斗

一金大口田口邨計租肆石

又壹邨計租壹石

一黃牛塢田拾伍邨計租貳石肆斗

又壹卹計租伍斗

一沈均官路下田壹卹計租叁石

一張均田壹卹計租叁石叁斗

一油坑發洪塢田捌卹計租貳石肆斗

一吳四嶺桐楠塢田壹段禾租陸把

一吳四嶺栗楠塢葉七塢田共拾捌卹

計租貳石

一禾奴蒲蘇坊田拾卹計租叁石

一洽川湖邱田貳卹計租拾石

王美曲橋田段

一 濠外大甍田肆卅

一 大礮田拾貳卅

一 旱坑下大礮田貳拾壹卅

一 槽礮甍田柒卅

一 金鶯田伍卅

一 屋下田貳卅

以上田六段共計租叁拾石

代書眷鮑景初

右第五列

觀范文正義田之舉動人向慕之思殆詩所謂孝

子不匱永錫爾類者乎石屋老人湯伯韶僅一布衣爲生產作業衣食粗足能慕效文正而行之可謂難矣雖絲邈不能如文正而其碑完好如新子孫猶有保之者其仁孝之流澤亦不可謂不遠矣前記與跋同爲一石在龍泉雲和界記爲黃文獻作俯仰雍容根柢深厚自是大家舉止跋爲鮑景初書彷彿介甫記爲班惟志書確似松雪不特其文其事可傳卽二搨本之書皆可寶貴

雲舫

石屋老人雖混迹民間務爲生產作業觀其自跋明白簡淨自是讀書人手筆余謂天下惟真讀書

人然後有此等義舉獨是湯氏義田後世寂無所  
聞不如范氏之久遠弗替豈亦開祖德之深淺耶  
然五百年後忽得片石而表章之與范文正義田  
記並傳似冥冥中亦有護持之者矣

石屋老人湯伯韶墓誌銘

碑高七尺廣三尺八寸文與題款共二十五行每行  
下缺數字現存四十八字行楷徑一寸篆額八字長  
四寸

石屋老人湯伯韶墓誌銘

石屋處士湯口墓誌銘

承事郎杭州路臨安縣尹致仕葉現撰

承事郎處州路錄事孔林書

嘉議大夫處州路總管兼管內勸農事盧景篆蓋

今年夏五月龍泉湯景訪予元口山中求記其畀樂之  
亭旣十有二口其口濱復以狀來曰先人不幸捐館舍  
惟是窀穸之事

下缺

生請噫濱之兄弟望我口矣銘其

奚辭君諱鏞字伯韶姓湯氏湯爲恬著姓自宋丞相岐  
國公思退顯丞相從祖諱煥贈大中

下缺

繇龍泉西鄉

石笏徙家縣東南界之首子姓蕃衍成聚環邑里皆湯  
姓地用以氏著謂之湯界首云自大中至君傳序已口

口 下缺

節宋沿海制置使司正將以死事贈武翼大夫



父望以父蔭讓其弟龍口縣尉載所生父復君繇從子

選承伯父後少明敏長下缺儉約而汲汲以濟施爲義

年十三爲生父白所寃於公詞語慷慨卒得其直衆咸

稱湯氏有子矣君自念承嗣付託懼不足口下缺徙築

西溪去舊居相望里所勤儉安分不伎不求而承守光

于前充拓裕於後孝敬嚴父婉容悅色敦睦兄弟嘉惠

幼順居常下缺教子孫日加提諭曰吾少歷艱阻弗獲

終于學然於書傳日覽輒不忘若等幸有餘力宜克自

敬勤以迨成立故諸子口口皆下缺文正公義田恤族

之意謂諸子曰吾伏臘計粗足皆祖宗賜祖宗之子孫

其可使有不足而不加恤乎諸子爲承厥志撥田若

缺

計而出納焉人月給五斗生子者一石再育者二石

喪葬者視給生育之數嫁女鈔三十千娶婦者二十千

從師者歲三十千

下缺

可世守矣所居鄉當府縣往來

孔道吏胥上下水行欲舟陸行欲輿方春農務殷重爲

民疾君白諸令長爲之禁鄉民□□□

下缺

先第上下

以實役賴以均歲凶歉佃者視常歲輸不能半君深恤

之不忍取盈也穀賈驟踴但以平估出之以周亟鄉里

飲德

下缺

府每縣宰至鄉聞君名就訪俗利病君厯厯

爲言無隱情因君言而裨於官利於民者多矣見人爲

善恒私為之喜或所為拂下缺其故鄉鄰有鬪者以君

方介無私或詣君求一辨曲直即自罷去如祈人之於

□□方也□生□既沒塋故居址後即□□□下缺

溪上以經營之既成扁曰思孝示不忘所出也又以田

若干畝付其嗣孫潮以奉嗣事蓋其孝友睦婣任恤之

行殆天口也兼下缺醫方無不精究自號石屋老人娶

麗水張氏孝慈勤約克贊內治先六年卒男三人濱溱

京溱亦先卒孫男五人楷槌槩梅鞏下缺孫一君生於

宋景定五年甲子十月丙辰卒于至元三年丁丑十一

月辛丑春秋七十有六方君未病一日忽曰吾薄存義

田

下缺

下矣田園居室粗足爲子孫遺造物息我以死

吾將歸息矣乎旣得效醫者謂可治君却藥不御曰吾

當逝藥奚爲□□□像

下缺

然於死生之際如此濱等

將以明年二月十有七日壬午奉柩與安人張氏合葬

於思孝庵之南君手所營也嗚呼□君之□

下缺

哉而

義田之舉又曠世所不一二見尤所謂偉然者也故予  
掇其尤者爲之銘以遺世勵俗云銘曰

孰不受天衷兮秉民彝

真知允蹈何其希

一本中

分散百支

同宗共氣均瘠肥

汝南勲業高巍巍

高風獨

下缺

敬宗恤族名與齊

彼爲圭衮我

布韋 視其易難力倍之 子孫詵詵秀蔭枝 穹蒼

□□□在茲

下缺

昔讀伯韶義田碑知伯韶能以義起禮推恩於服  
窮親竭之餘令人景仰不置今復得墓銘讀之年  
十三卽能白父冤暮年周親思孝好施利民鄉里  
飲德益深敬尙若伯韶者洵曠世一覲者矣

雲舫

按是碑爲湯伯韶墓誌卽所稱石屋老人是也初  
疑老人爲岐公之後讀志知爲岐公從祖諱炤之  
裔孫岐公爲丞相希榮固寵不復知有根本事伯  
韶一布衣獨能規撫范公成此美舉彼以其爵吾

以吾義孰得孰失不待智者而能辨矣

思孝庵田租碑

碑據搨本不完不計高廣

思孝庵田租數目

本都田段

一土名菱唐礬田六卽計租貳石壹斗

一土名菱唐田壹卽計租肆石

一土名周村弄上田壹卽計租肆石

一土名周村田壹卽計租叁石

一土名羅大塢貳卽計租貳石

一土名羅大塢田肆卽計租口石貳斗

一土名西山同園田貳卽計租壹石肆斗

一土名社坑岱頭田壹卽計租壹石肆斗

一土名上洋田壹卽計租叁石捌斗

一土名弄里田肆卽計租壹石伍斗

一土名柳塢田柒卽計租壹石伍斗

一土名古令田壹卽計租肆石伍斗

一土名古令後田叁卽計租貳石

一土名下湯田壹卽計租壹石

一土名龔空坑田貳卽計租口石貳斗

一土名鶯空坑田貳邱計租壹石伍斗

一土名鶯空礪坵田壹邱計租壹石

一土名柳村庄塢田叁邱計租口石伍斗

黥清田

二十一都

一土名武溪沈莊田邱計租壹拾石

忌辰田

一土名界首上洋田叁邱計租伍石伍斗

一土名湯大口山頭田玖邱計租伍石伍斗

一土名黃師坑田陸邱計租伍斗



一土名甘竹田柒卅計租貳石

一土名大塢鍊沒田壹卅計租叁石貳斗

一土名潘村下塢田貳卅計租 下缺

麗水廿三都土名滯頭山頭田壹卅計租叁石

一土名滯頭上塢田壹卅計租壹石

一土名滯頭下塢田壹卅 下缺

余觀石屋老人墓誌銘有口口溪上以經營之既成扁曰思孝示不忘所出也云云又有田若干畝付其嗣孫潮以奉祠事云云今此碑曰思孝庵備列田畝數目雖無年月姓氏其爲伯韶之思孝庵

也無疑矣

雲舫

按是碑記湯伯韶思考庵租數也以伯韶墓志中有  
有思孝二字知之應另有記文未拓姑附錄于義  
田碑後以俟他日

鄭似山壙誌

碑高三尺七寸五分廣二尺四寸文十八行行二  
十二字正書徑一寸篆額十二字長三寸五分

故孝子 鄭公 壙誌

先君諱謹之字有常族鄭氏世居梧麗水之宜慈鄉曾  
祖諱瓌故宋福州簽判徙家郡城祖諱伯開考諱桂高  
故饒州路樂平州教授先君行己敦篤遇事有操守性

切直不受抵牾人有過必面責之見善必加稱嘆爲文  
精縝雅麗書法端楷好古圖籍叅訂詳悉客至則鼓琴  
賦詩談論終日自號似山隱居教授學徒常數十人牖  
之迪之皆文雅可觀郡庠延致訓導率多造就中季用  
舉者得龍泉縣學教諭調建康學錄陞獨峯書院山長  
秩滿以年近七十卽求致仕行省以聞于部授將仕佐  
郎處州路儒學教授食半祿舍後有小山嘗登望欣悅  
曰此吾瑕邱也庶歸息于此乎言猶在耳嗚呼痛哉先  
君生於咸平己巳五月甲子至正壬午七月戊寅以疾  
終春秋七十有四娶同郡陳氏故宋將仕郎平江府司

戶諱浩之女男三公紹公悅添累女二長適祝容次適  
潘建孫男二大任大有孫女二俱幼公紹忍死卜以是  
年十一月甲午安厝于小山之東遵遺命也塋日薄未  
暇謁銘聞人姑識歲月納諸幽昊天罔極嗚呼痛哉孤  
子公紹泣血謹誌

承務郎前福州路總管府推官項棣孫填諱

鄭似山墳志其子公紹所述似山爲桂高子桂高  
字子山有文名今觀此碑鋪張得體書法亦佳可  
謂家學淵源矣其墓在蓮城西隅姜山久而湮廢  
道光乙未居民取土碑見明府蔣幼谷先生知之

使移藏諸學他日余與芝庭偶過姜山見窀穸不  
掩卽命工築土勒石題曰元教授鄭似山先生墓  
使里長歲視之 雲舫

王芝庭於郡城姜山之麓得此碑大喜攜以示余  
後告之蔣幼谷明府移置麗水學明倫堂芝庭復  
信雲舫掩其穴土植碑記之按似山爲子山之子  
子山名桂高晉書重修麗陽廟碑又見麗水縣學  
教官題名碑云鄭桂高字子山栢人至元十七年  
正月之任今觀是碑知後又任饒州路樂平州教  
授

孝友祝公墓碑

碑長六尺廣三尺二寸文二行  
行四字篆書長八九寸不等

元故孝友

祝公墓

釋文

元故孝友

祝公之墓

元孝友祝公墓碑在麗水北鄉武村蓮花坡篆書  
偉勁有李陽冰倪翁洞風左右題款已漫漶矣元  
季麗水祝氏有二孝子一日祝大昌字公榮隱居

養親母沒柩在堂家人失火力不能救乃伏棺悲  
哭其火自滅復塑二親像于堂朝夕事之如生一  
日祝崑卽大昌子洪武初隨母陳氏避亂山崖中  
母被賊逼投崖下崑繼之時雷雨大震賊眾驚潰  
母問絕崖下崑掛樹梢得不死後救母全活洪武  
七年舉孝廉擢潛山縣知縣未幾陳情乞歸養是  
碑雖不名然稱曰元故則係大昌非崑明矣當補  
入志乘陵墓

雲舫

按是碑無名可考屬雲舫細核之知爲祝大昌墓  
蓋大昌與子崑皆爲孝子崑爲明初人大昌沒於

元季則爲大昌墓無疑矣

吳

樞密判官耿公祠堂碑

碑高一丈三尺廣八尺文前後題款共二十九行行四十二字隸書徑一寸五分篆額九字長二寸五分

樞密判官耿公祠堂碑

古之人臣委質事君或臨患難知有國不知有身雖之  
死而弗悔英魂毅氣凜然如生口不隨世而隕滅者其  
建祠而尸祀之宜也非過也嗚呼古之人予不得而見  
矣有若濠梁耿侯其殆近是者乎侯諱再成字德甫從  
吳王下江東多著勞烈自偏裨擢居帥職出鎮南徐維



揚未幾遷長興以功陞江南行樞口判官階鎮國上將軍龍鳳四年冬王躬擐甲冑帥師取金華侯搃戈爲前鋒暨金華平檣蒼猶未入版圖地有黃龍山四周口絕其險可恃王命侯樹柵其上以遏其衝敵屢驅兵來鬪侯咸擣退之五年冬十一月王命胡叅政大海及侯分道攻檣蒼已而又平王遂命侯統勁卒以鎮其土當是時民罹戰戍之久生口寢耗或竄伏於林藪間勞來安輯至者如歸遂昌之氓屯聚山堡久不來附侯剪其渠魁而釋其餘侯馭下以嚴軍校或斬人墮木侯逐捕而誅之自是皆畏威出入之間雖哇蔬不敢采先是士卒

所至無論大小必徵私粟于民號曰砮糧民甚厭苦之  
莫敢何問侯怒曰吾民凋剝極矣爾曹仰食於官復剽  
其膏脂邪卽往白胡叅政罷之民欣欣然依不翅其親  
八年春二月軍中有舊降帥本莫徭蠻部衆至數千一  
旦相挺爲亂侯方與客飲聞變卽上馬收戰卒不滿二  
十人迎賊罵曰俘虜奴國何負於汝汝乃反耶俘虜奴  
汝急解甲降不降吾斫汝萬歲以報國汝謂吾劍不利  
耶賊怒欲刺侯侯運劍連斷數槩賊將躍而前正中侯  
頸侯遂墮馬猶大罵不絕口而死夏四月王師四集盡  
殲厥醜類以衣冠改塋侯於金陵之聚寶山事口王命

侯之子天璧嗣其職仍鎮其土居無何龍口胡公深以  
左右口郎中摠制是邦七邑之民咸列于庭下跽而請  
曰吾儕小人微耿侯不能至于今日中心曷敢忘耿侯  
今死於王事意其精忠耿耿尙挺然于天地間將立祠  
以妥其靈歲時致享必御風雲而一下之庶幾有以慰  
吾民之思焉胡公曰此吾志也盍成之於是命知府事  
程君孔昭視其役而於侯所居之左構堂五楹間搏土  
肖侯像其中威稜言二如欲生動敞以外扇繚以周垣  
丹青黝口舉中以灋經始于九年春二月落成于夏五  
月程君復奉書幣致其邑民之辭來請予文予按祭法

有曰以死勤事則祀之說者謂非特勤衆事而已也凡  
以身殉國者皆得祀焉有如侯之爲人竭忠執節至死  
不貳非所謂以身殉國者歟祠而奉之非惟勸忠揆之  
於禮無不合者況其功德著在人心永垂而不泯哉是  
皆可口而無媿者因爲作迎享送神詩三章使邦人歌  
以祀焉其辭曰 侯之徠靈風思二白蜺兮黃能雙旌  
曳兮六轡迴爽氣中人質若石侯之止旣燕且喜牲膳  
予醪旨瑤觥咏予朱瑟語僊跚二兮樂弭二侯之升無  
滯窈冥無絕我衆萌口劒慙予厲不形秦熙順則予允  
樂其生

金華宋濂撰郡人季原善書并篆

金華陳源何清刻

右龍鳳九年

卽元至正二十三年

樞密判官耿公祠堂碑金

華宋文憲撰文郡人季原善隸書在麗水泗國公祠內祠宇本三楹中奉耿公神主左右二楹各立碑碣其後子孫障爲居室碑刻皆遷移磨泐此石以重大得保今在婦女寢室之所故人亦不得而見之也余屢訪是碑爲一老嫗所拒道光己亥始浼其隣好拓得之喜踰望外文有吳王下江東語吳王乃明太祖也龍鳳宋韓林兒年號時文憲未

就太祖之聘故特書金華宋某而無爵銜季原善  
篆隸取法秦漢如此石者吾鄉亦不可多得也

舫

按耿侯爲苗將李佑之賀仁德等所戕子天璧方  
奉命往處州起發苗軍中途聞變馳至李文忠所  
集諸軍擊敗之佑之仁德伏誅遂命天璧嗣職鎮  
其土在至正二十二年潛溪作祠堂碑在二十三  
年俱元末事此文應附入

謹攷史載明太祖於元至正十五年六月自和  
陽起兵是時正韓林兒據亳州建國曰宋改元

龍鳳元年十八年十二月明祖克金華命知府  
王宗顯開郡學延儒士宋濂爲五經師十九年  
九月取處州與碑云龍鳳四年冬王躬擐甲胄  
帥師取金華五年冬十一月王命胡叅政大海  
及耿侯分道攻括蒼已而又平正合文爲宋文  
憲撰於至正二十三年此時處州已屬明太祖  
版圖自不得再謂至順惟用韓林兒號年何謂  
又攷史言林兒自亳州建國改元龍鳳後黨劉  
福通自爲丞相林兒徒擁虛名事皆決於福通  
凡起兵者皆附麗之明祖亦用其年號僭位十

年元兵來伐林兒福通敗走安豐張士誠遣呂  
珍攻之福通敗死明祖挾林兒還金陵曰此楚  
義帝也欲崇奉之因劉基言乃止文憲之用龍  
鳳號年非無說也文云吳王下江東按明祖於  
至正二十四年正月建國曰吳卽於月朔卽吳  
王位文憲撰碑在二十三年五月卽云吳王不  
知何說識以待證殷甫

泗國公祠請賜舊教場塢地碑

碑已斷泐  
不計高廣

帝王之興必有佐治之臣爲勘定禍亂措天下於乂安



者故爵□□□□□□□□□□自有元失馭  
四海鼎沸界我王上當草昧之初膺授天命龍興濠泗  
時則有若耿公再成以豪雄茂英之才虎賁鷹揚之勇  
際會風雲於基□□□□□□蹟屢著自偏裨階鎮國  
上將軍江南等處行樞密院僉判之職鎮禦枯蒼嚴肅  
以論軍旅□□□□民庶故戰則必勝攻則必取豈期  
親部異變□□中廷謀而卒於王事欽惟我朝以旌其忠  
褒以功臣祠宇迺於癸卯春二月吉日選地於清簡坊  
以爲建祠之所繪塑遺像歲時致祭有子天壁仍襲其  
職尋授處州衛副都指揮使上章謂□故父沐前□親

麗水縣五十二都舊教場無主荒閑墾地開田畝段歲  
口口口以養口廉後沒國事建祠堂如將上口遺地撥  
付本祠不惟死者需其恩生者襲其寵誠口口口文  
省府申達朝廷丁未年八月二十三日中書省官於西  
耳房過道上奏奉聖旨准擬欽此欽依命戶部尙書郭  
口口給勘合以付裔孫永爲恒產其地在麗水縣五十  
二都第五保礮字號舊教場墾地一處計四十口畝六  
十口步以無征地隣王清五仍舊佃人口口老等納租  
沈興者董其是役次子天龍口堂掌其事崇奉香燈以  
演其源嗚呼勅建祠以妥英靈復賜地以昇後裔實我

聖朝不朽憂恤之典得非所以慰忠魂於九原厲口口  
於百世耶以此勸忠口口口口口口口口得口口予是  
爲記以刻於石庶幾傳嫡祠堂口口稽之使後世豈不  
悠久也哉

下缺

眉山蘇伯衡撰

郡人劉宗保書

裴彬篆

余旣得宋文憲耿公祠堂碑搨者謂尙有斷石數  
片隱見有字復命再拓以來漫漶已甚反覆尋繹  
得四百六十四字知爲耿天璧請賜地以奉祠祀  
碑也丁未尙在明太祖吳元年實元至正二十七  
年故附元末

雲舫

續  
枯  
蒼  
金  
石  
志